

# INUIT ATAQATIGIIT INATSISARTUNI



UPA2022/028

28. April 2022

Mikivisuk Thomassen

**Napparsimasup najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005-meersumi §9 meeqqanut arfinillit inorlugit ukiulinnut ingiaqataasinnaasut inuit marlunngortinnissaanik Naalakkersuisunut allanngorteqqullugu aalajangiiffigisassatut siunnersuut.**

(Inatsisartunut ilaasortaq Agathe Fontain, Inuit Ataqatigiit)

Siullertut qujarusuppunga saqqummiisunut, nunatta avataanut nakorsiarnermi angajoqqaanik marlunnik ingiaqateqarsinnaaneq periarfissanngornissaa uani pineqarput meeqqat 6- ataallugit ukiulli, tamannalu soorunami meeqqamut suli nukangasumut tamanna tulluarluinnarpoq angajoqqaanut ilaquttanullu toqqissisimatsitinermik nassataqartussa, tassami meeqqat nukangasut nakorsiunneqarlutik aallaraangata angajoqqaanut ilaqutariinnullu sunniuteqartoq ilisimaraarput.

Nakorsiarnermilu assigiinngitsunik nalaataqartoqarsinnaasarpoq ilaatigut annertuumik suliaritinnissamik aaliangiiffigineqartarluni, tassani ilaqutariinnut sakkortusinnaalluni eqqarsartaatsikkut timikkullu sunnertsissimanermik kinguneqarsinnaalluni, misissortsinnerullu kinguneratigut tusarlerneqarsinnaanerit suliaritittussangoriataarnerit imaannaanngissinnaasarluni, nappaatillu suussuserneqartarnera tusarliunneqartarlutik ilaatigut ilaqutariinnut sakkortusinnaasarlutik, meeqqap toqqissilluni misissortsinneqarsinnaanera toqqissisimanartumillu ingerlassappat angajoqqaanik tamarmiutillugit ilagisaqarsinnaanerat pissusissamisoortutut isigaarput.

# INUIT ATAQATIGIIT INATSIARTUNI



Angalanerli imaannaanngissinnaasarpog nakorsamillu misissortsinnissap tungaanut nukinnik atuinartuulluni.

Assersuutigisinnaavara qanittumi nunatsinniit tassanngaannartumik aallartoqarpoq ataataasoq kisimi ilaatillugu kingusinnerusukkullu anaanaasoq malinnaatinneqarluni, kisianni takuneqarsinaavoq sulii aaqqitassaqaqisugut, tassami meeqqap tassanngaannartumik imaluunniit nakorsiarnerminni paasisaqassagunik meeqqamut tunngatillugu angajoqqaat marluusarnissaat pinngitsoorneqarsinnaangitsoq.

Inuit Ataqtigiiiniit taamatut oqaaseqarlunga siunnersuut ataatsimiititaliamut peqqissaarullugu paasiniaaffigilluarlugu Naalakkersuisorlu susassaartoq peqataatillugu suliarilluarneqarnissaanik innersuupparput.